



KIMIAD

EUR

SOUARD YAOUANK.



Var ton : *Al Labourer....*

Va c'halon a zo frailhet dre nerz ma enkrezou ,
Va daoulagad entanet n'ho deuz mui a zaclou ,
Deud eo siouaz ann devez ma renkān dilezel
Lec'h kaer , ma bugaleac'h , ma bro douç Breiz-Izel.

Kenô ! did ma zi balân , kuzet bars ann draonien ,
Tachenn glaz var be-hinî , bugel , e c'hoarien ;
Gwez ivin ker bodennek , en disheol d'euz pe-re
E pad tomder ann anvoué kousken da greis-de.

Kenô ! kenô ! mamm à tad , brema n'esperit mui
E chomfê ho mab karet vit harpân ho kozni ,
Evit gounid d'ec'h bara , 'vel m'ho peuz gret dezhan ,
All lezenn zo didruez ho kuitaat a renkān .

- 2 -

N'ag a vech , ô mamm dener , a renkfet-hu lenva ,
Pa zeui ma c'hi ankenet en dro dec'h da ruza ,
Pa welfet , bars ann oaled , va skabellik goullo
Ag ar c'hifind o steüi deuz ma fenn-baz dero.

Kenô bered ar barros , douarou konsakret ,
Pe-re a guz va c'herent gant ar zalver galvet ;
Da wël ann anaon klemmus 'nin mui war ho peziou
Da skuilla dour biniguet mesket gant va daelou .

Kenô va muia karet , ma dousik koant Mari ,
Eur blanedenn diegar a deu d'omm glac'hari ,
Ervuzded a levez skeuduz zo tremenet
'Vel en oabr , ar goumoulen gant ann avel kasset .

'Na welin mui da lagad ker lemm a ker laouen
Ho wirvi gant plijadur , enn ti pa erruenn ,
Da zornik wenn ker mibin o trei ar c'har en dro ,
Da wouez flour mui n'a glevin o kana va gwerzo .

Pa oamp er c'hatkismou , onn daou c'hoaz bugale ,
Or c'halonou diskiant , en kuz ha n'em gleve ,
Dirag Gwerc'hes ar c'hoaz-head , nag a vech e touejomp
N'a erru-je birviken , disparti entre-z'omp .

Yaouank a dibreder , siouas n'e wiemp-ket
Nag a bed c'herventez er vuez zo mesket ;
Evid-omm n'e oa , neuze , Lezennou n'a Roue
N'anveemp mert eul Lezenn , hini ar garante .

Kenô va nez-amezek , Yannik va gwir mignon ,
Kamarad va c'hoariou , va breur dre ar galon ,
Piou a gemero bremâ , eul lod euz ma foaniô ?
Piou a gomzo ganneme deuz ar ger bag ar vrô ?

— 3 —

Ep-hon te ielo bremān , er parojou tosta ,
 Da bigosat all leuriou bars el lasou-dorna ,
 Ep-hon te iel da c'hounid maout ar c'hourennadek ,
 Da jaicha var rubanou ebars ar varadek .

Kenò va c'hazek melen , skanv evel eunn eiès ,
 Mistr evel eul logoden , gentil vel eunn oanès ,
 N'ed 'sentin , ken indann-hòn , gant ann hast , o trippäl ,
 Ma daouarn mui n'e stagfont ar zeïen war da däl .

Kenò , ma c'hi kès Mindu , ma leal kamarad ,
 N'effomp ken , dre ar glizen , da glak roudou ar c'had ;
 N'e glevin ken , er mene , da chilpaden skiltrus ,
 War ma dorn mui n'e zentin da deod garantezus .

A benn eunn nebeut amzer , kalz a vignonet ién
 Bars er zoudard divroët , ep mar , n'e soujfont kén ,
 Mès da galon te , Mindu , n'eo ket ken ankoezus
 Pell.he ri c'hoas va c'hanvou , dre da iezou klemmus .

Kenò ta plijaduriou , leuriou-nevez , festou ,
 Rentadeg-neud , noz-vezou , foariou ha pardonnioù ,
 Ebattoù ker birvidik , binioù sard a sklentin
 N'a drido mui va c'halon gant da zoniou lirzin .

Kenò kement a gàran , keno da virviken !
 Pell deus a Vreis me varvo , mantret gant ann ankenn ,
 'Vel eur blantenn kizidik , evit ar vrô krouët ,
 A renk gwenvi a meravel , kérkent m'he divroët .

FIN.

Propriété de l'Éditeur :

J. H.